

山右石刻叢編

山右石刻叢編卷三十八

陽曲縣志卷之四 藝文志 碑記 徐毅碑

元

徐毅碑

碑高六尺一寸五分廣三尺三寸八行行七十九字正書今在霍州

元故御史口口口資政大夫中書右丞上護軍追封平陽郡

公諡文靖徐公神道碑銘 并序

翰林侍講學士中奉大夫知制誥同修國史同知

經筵事黃潛撰

榮祿大夫翰林學士承旨知制誥兼修國史張起

嚴書

集賢侍講學士中奉大夫兼國子祭酒趙期願篆

公諱毅字伯①姓徐氏世為平陽趙城人家于霍峰鄉石明里高祖諱澤曾祖諱閏皆力本尚義值金季之亂跡弗

入皇朝始有出而仕者祖諱玉由元帥府都提控歷

縣提領岢嵐州長官終於河東南路提舉常平倉事御史中

丞王公博文銘其墓累贈嘉議大夫上輕車都尉追封平陽

郡侯祖妣高氏平陽郡夫人考諱德舉由尚書省掾出為平

陽路轉運司經歷終於太原路鹽使司提舉翰林學士承旨

姚公燧銘其墓累贈中奉大夫護軍追封平陽郡公姚廬氏

邢氏並平陽郡夫人公廬夫人出也弟穎異卅歲從魏國許

文正公受業於成均磨礪浸灌日長月益以清方勁正為衆

所嚴憚莫不以遠大期之弱冠辟通政院掾調同知檀州事

當國者急於賦歛督責甚峻郡縣長吏奉承如恐弗及公獨

不阿其意惟務

布德

澤以甦疲瘵人稱其有古循吏風

世祖皇帝聞其名擢監察御史

上言

江南

新附未久宜

隱卹流亡以固民心京師天下

根本

宜蠲除地稅以厚民力

檢

災傷必以時而發倉廩之儲捐山澤之利申明酒禁以

修荒政鰥寡孤獨宜有養仍遣使問民所疾苦方今庶政姑

息中書不當親細務而宰相失體六部僚屬多非

其人因陳

省臺爲

治之要

及憲司事宜監

治

官吏當加儆戒不可因人

之誣言而升降察官行樞密院行大司農司行通政院及尚

書省理算受賞進官皆可罷又以日食

地震乞罷諸

行省四

川妄啓邊釁交

吐蕃勞王師獻策以邀功

生事

者宜勿

聽官

軍承襲

皆膏粱子弟未嘗知兵當別議立德增國子之負重

教官之選以興學校治宗廟以崇典祀修國史以存故實設

朝立班不

以在名實類考三十一
可全無派品之分實

封陳言母

使苟為進身之計

他如選用官吏

減錢糧之費理

婦田之訟馬

禁水利鹽鈔諸

法其弊當救者前後所

奏

七十餘疏其言後多施行

世祖崩天上封事于

太皇太后皇太后曰四海不可一日無君

大行皇帝奄棄天下已五日矣苟非早定大策萬一或啓

變

生不測

實可

寒心

皇孫

撫軍胡漢

先帝既授以皇太子寶聖意可知伏願明諭宗

藩大

臣叶謀

推戴遣使奉迎歸正大統

上以副

先帝之遺意下以慰四海萬民之所屬望廷議韙之

成宗皇帝既踐天

位

首請早正

東朝尊號以嚴孝養

因言 陛下方虛心求治而大臣不肯任事口王之職在

論一相今宰相負太多論議不一伯願乃

先帝舊臣留以遺 陛下宜丞相之為治不在過求高遠

但當遵守舊制其要有四親賢遠佞信賞必罰而已又伏闕

上言建立餽貳敦睦宗藩選任臺諫教習親軍勿事西南夷

而專備北邊赦不可數等十事所上疏又三十餘 上皆

嘉納焉擢僉陝西漢中道肅政廉訪司事未上改吏部員外

郎時選曹事多壅滯公不避權勢凡銓章注擬必考其資歷

察其才品人皆悅服奉詔使甘肅給軍儲糴買轉輸規指

有法事集而民不擾除僉河東山西道肅政廉訪司事閱所

部獄囚而得其冤狀所釋五百餘人時稱明允召為徽政院

長史舊例臺察於徽政之事一無所問公謂法者天下之公

罷宜共遵

而

行之臺察者執法之司何獨不得與聞徽政之

事乎有與公不相能者力詆之公即謝去尋除樞密院經

歷

贊決事機申

嚴號令本兵

者

賴其攸助為多遷御史臺都事

改右

司郎中除陝西行臺治書侍御史並以外艱不赴服除

召為左司郎中夙夜匪懈彌綸庶政損益進退必中其度列

曹

咸取則焉擢治書侍御史

稱臣

欲構害御史郭章公力為

之辨有沮之者事竟報聞公以言不行自引去召還授陝西

漢中道肅政廉訪使關右地接羌戎人多强悍號稱難治公

柔之以恩而懷之以威土俗為之丕變入為刑部尚書上言

自昔有國家者必定律令使有司

知所遵

守方今承平日久

宜參酌古今立一代之成法

上可其奏仍命總其事方

次第就緒未及

上

而改授河北河南道肅政廉訪使無何復

入為刑部尚書擢侍御史除僉樞密院事

仁宗皇帝在儲

闕

素知其有公輔之器及正位宸極擢江南

行臺侍御史遷燕南河北道肅政廉訪使召赴闕遂奏議中書省事頃之拜陝西諸道行御史臺御史中丞力辭而歸每謂人生未老得閑乃為貴吾年周六甲歷事

四朝恒以

無能補報為愚安敢昧止足之戒乎延祐元年十有二月二

十六日以疾終于大都惠文

里

第之正寢行年六十有一二

年二月二十有四日葬霍峯鄉石明里之原公累階資善大

夫訃聞

上嗟悼不已

詔特贈資政大夫中書右丞

上護軍追封平陽郡公諡文靖仍命詞臣為

贊

書以褒寵之

娶裴氏封平陽郡夫人子男一人宗義亞中大夫衡州路總

管女四人長適

常

德路總管裴宗文次適姜端信夫亡年未

三十及歸居父母家今已七十餘次適朝列大夫曹州尹麻
鄒次適敦武校尉□□徽杭等處茶提舉王琦孫男二人併
僖公遺書有奏議五卷詩文三卷翰林學士吳公澄為之序
惟公以純實之資克承正學早逢 聖代為時名臣雖雅

志恬退而造次不_忘於愛君憂國光膺茂渥生榮死哀不亦
宜乎公沒之歲潛始舉進士至京師後三十五年公孫併以
墓隧之碑未建介翰林修撰王宗哲以銘來屬潛雖不及游
公之門而覲其光儀聆其謦欬讀公之書而尚論其世君臣
之際何其盛哉序而銘諸史臣之職也曷敢以不敏辭銘曰
惟君之先 隱顯以時 再世外官 不大厥施 委其
餘緒 伊公之怡 公初筮仕 華問四馳 擢真臺端
用副倚畀 作帝耳目 為國著龜 宮車晚出 人

心危疑 盡言無避 神器有歸 出將使指 風紀是

持 入綴 從班 獻 納論思 乃膺育府 乃陪宰司

訐謨遠歎 贊襄萬幾 峻陟文階 執法太微 胡然

遠引 莫可 事蹟 公身在外 忠愛不衰 庶 公復來

赤烏 袞衣 遺表上聞 當仁濟咨 一鳳之鳴 六

龍以飛 申錫寵褒 厥有制詞 有封若堂 昭 以銘

詩

皆至正十年歲次庚寅二月己卯朔立石

平水徐宗刊

校碑題翰林侍講學士中奉大夫知制誥同修國史同知
經筵事黃潛撰榮祿大夫翰林學士承旨知制誥兼修國
史張起巖書集賢侍講學士中奉大夫兼國子祭酒趙期

顧篆額元史黃潛傳字晉卿婺州義烏人延祐二年進士授台州甯海丞入爲應奉翰林文字同知制誥兼國史院編修官轉國子博士出爲浙江等處儒學提舉以祕書少監致仕未幾落致仕除翰林直學士知制誥同修國史尋兼經筵官升侍講學士知制誥同修國史同知經筵事階至中奉大夫順帝紀至正八年正月辛亥有侍講學士黃潛與碑題銜合本傳得謝歸凡七年卒年八十一追封江夏郡公諡文獻潛之學博極天下之書而約之至精剖析經史疑難及古今因革名物制度之屬旁引曲證多先儒所未發文辭布置謹嚴援據精切俯仰雍容不大聲色所著有日損齋集二十卷今足本黃文獻集四十二卷四庫僅收十卷本此文在卷十據補碑闕文張起巖傳升江南行臺御史中丞拜翰林學士承旨知制誥兼修國史知經筵事俄拜御史中丞復命入翰林爲承旨積階至榮祿大夫順帝紀至正八年正月有學士承旨

張起巖亦與碑題銜合本傳年六十五乞歸後四年卒趙
期頤見元史本紀至順二年爲禮部郎中又見歸陽傳續
宏簡錄趙期頤字子奇官西臺治書侍御史工大篆汴人

欽定佩文齋書畫譜引潛溪集宛邱趙期頤以書名世
得之吾衍者爲多六研齋筆記期頤篆迹渾樸高古則元
季之能書者碑云公諱毅字伯宏姓徐氏平陽趙城人高
祖諱澤曾祖諱閏祖諱玉河東南路提舉常平倉事御史
中丞王公博文銘其墓考諱德舉太原路鹽使司提舉翰
林承旨姚公燧銘其墓枝玉碑卽河東提舉常平徐君墓
碣今有碑本德舉碑今無碑本元文類姚燧故提舉太原
鹽使司徐君神道碑卽德舉碑也

王姚高氏德舉
姓盧氏邢氏

碑云公

盧夫人出幼穎異從魏國許文正公受業於成均核計衡

傳諡文正毅衡門下士也弱冠辟通政院掾調同知檀州
世祖聞其名擢監察御史前後所奏七十餘疏世祖賓天
上封事於皇太后有大行皇帝奄棄天下五日之語按元
史本紀續通鑑至元三十一年正月庚午帝大漸癸酉崩
於紫檀殿博果密伊噶納顏巴延受遺詔太妃召三人問
之遂定大策於禁中發使告哀於皇太孫四月皇太孫至
上都甲午卽位按癸酉後五日爲戊寅然則毅疏當以是
日上元史諸書世祖崩皇太孫南還至上都伊實特穆爾
謂晉王噶瑪拉曰宮車晏駕已踰三月儲闕符璽久有所
歸王爲宗盟之長奚俟而不言噶瑪拉曰皇帝踐祚當北
面事之於是宗親合辭勸進皇太孫卽位据此則世祖雖
授成宗皇太子寶以皇孫鎮撫北邊而無傳位明文晉王

以皇太子之子在都序亦可立故毅之疏伊實特穆爾之言皆懼成宗之不立由世祖不明建儲所致也疏又有先帝既授以皇太子寶文按成宗卽位詔曰往歲之夏親授皇太子寶付以撫軍之任與碑合碑云成宗既踐天位首請早正東朝尊號以嚴孝養按元史諸書成宗卽位後卽尊大母元妃鴻吉哩氏曰皇太后改所居舊太子府爲隆福宮碑云東朝者卽指太母元妃又碑云服除召爲左司郎中擢治書侍御史柄臣欲構害御史郭章公力爲之辨有沮之者事竟報聞續通鑑大德七年十二月監察御史郭章劾郎中哈喇哈斯受賊具伏而哈喇哈斯密結權要以枉問誣章璋率臺臣入奏辨論切直章遂得釋當卽此郭章按毅遷諸官碑皆無年以姚燧提舉碑證之公以大

德癸卯八月六日卒癸卯大德七年此碑云服除擢治書
侍御史則當在大德十一年碑云授陝西漢中道肅政廉
訪使入爲刑部尙書上言定律令改授河北河南道廉訪
復入爲刑部尙書擢僉樞密院事姚燧徐君碑至大三年
中奉大夫僉樞密院事徐毅言於燧又有爲治書廉使風
紀中外刑曹惟觀今爲內總六師外制諸軍遠及萬里文
卽謂爲僉樞事可與此碑相參證碑云仁宗正位宸極擢
江南行臺侍御史遷燕南河北道廉訪使遂參議中書省
事頃之拜陝西諸道行御史中丞延祐元年卒年六十有
一子男一人宗義衡州路總管女四人孫男倣僖公有奏
議五卷詩文三卷學士吳公澄爲之序校澄元史有傳碑
云潛舉進士後三十五年翰林修撰王宗哲以銘來屬則

此碑之撰當在至正初

霍州志徐毅字伯宏王之孫弱冠辟通政掾調同知檀州事權監察

御史陳時政七十餘疏世祖寶天請太后定皇孫於朔漢

迎立正大統成宗踐阼請正東朝位號以嚴孝養又奏論

宿立諸敦睦宗族選任臺諫教習親軍及備邊等十事疏

任陝西漢中河東山西等道肅政廉訪使擢刑部尚書侍

御史除僉樞密院事仁宗朝以江南行臺中丞遷燕南河

北道廉訪使召參議中書省事拜陝西諸道行御史臺中

丞尋歸隱事四朝延祐元年卒贈資政大夫中書左丞上

謚軍追封平陽郡公諡文靖父德寧追封如制子二假信

還奏議五卷詩文三卷案校碑則毅最爲謹直泄外任亦

碑假信乃毅之孫志誤

有績效洵可補元史之闕碑有徵政文元史本紀至元三

十一年五月己巳改皇太后所居舊太子府爲隆福宮詹

事院爲徵政院碑所言者卽太后之徵政院也

吉州學鄉賢馮延登行蹟碣

碑高一尺三寸廣二尺四寸四十六行
行二十四字字徑五分正書今在吉州

吉州學鄉賢祠碣

金吏部侍郎權刑部尚書馮公行蹟

公諱延登字子俊吉州吉鄉人其先世以醫名河東後易醫為農公幼嗜學嘗語人曰吾家生我將不復耕鋤矣承安二年舉進士第調臨真主簿再調德順軍州事判官改知懷寧寨伐官柳建廟學芝生廟梁間人咸異之部使者舉廉能轉寧邊令值溢陽鬧、趙公為州刺史時從學詩文自是以詩文名宣宗立補尚書省令史出授河中府判官兼行省員外郎復入為國史院編脩官改太常博士未幾改太學博士出為平涼行省員外郎元光初遷鞏昌軍節度副使明年召為吏部郎中兼翰林脩撰俄知登聞鼓院時夏人請平奉為詔講議禮儀使前後贈繒錦數百疋固辭不獲歸悉輸於官正大初超翰林待制同脩國史兼知鼓院上名草官詔三篇

丞相高汝礪見文而悅之曰悉徵他文公許而弗與人問故
公曰仕宦窮達在我而已奚以文售人為有巨豪殺人繫洛
陽獄曰大旱賂宮掖使言於上宜大釋冤滯詔公出審理公
密知其情至府得獄狀卒殺之是年出為京兆行省貢外郎
再授睢州刺史行大名路治中改京兆路司農少卿兼同知
轉運使權行尚書六部郎中尋復翰林待制未幾遷國子祭
酒借翰林承旨充國信使以八年奉國書見于彌縣之
御營有

旨問識鳳翔帥否若能招之使降即賞汝厄否必殺汝曰臣
奉國書請和招降豈使者事乎誠不若今日即死之為愈也
再三

問對如初乃諭

旨云汝罪當死但古無殺使者理耳回難其請囚之豐州公
居處自若唯以周易一編自隨旦夕研究大有所得尋發還
復為國子祭酒歷禮吏二部侍郎權刑部尚書金主奔蔡京
城亂家人將扶以出騎士以兵脅之使北公慷慨不屈遂投
城旁井中而死金亡家人四方求之不得後三年大原遺山
元公以死狀告其季子亨乃發喪具衣冠招魂葬于吉州陽
莊里有詩文廿卷學易記數百卷並行于世

公女妙真生十八年適進士張慥為洛川主簿鄜州受兵慥
已更秩雲陽主簿未及行守臣檄慥詣平涼計舊行軍芻粟
時公以行省員外郎駐平涼慥請於父母與妙真偕行妙真
辭曰舅姑老矣妾行豈獨安平歸寧不為越禮而違難不義
男子榮名女子從人父母不得而子也君行矣妾留奉養明

年洛州陷妙真扶舅姑匿曹氏窟室中兵索得之妙真泣與舅姑訣曰妾生不辰不得終奉箕帚義不從兵汗辱門戶遂負攜二子赴井而死縣人從而死者數十百人

右馮公行蹟遺山文集暨橫溪集中載之詳矣至正五年吉州守臣王士元上言以公文學德行為時名儒忠節炳然照耀後世宜即故宅建立書院以居學徒俾有矜式其於風化不無小補事未報後五年復生不思僭踰為室學宮以祀鄉賢列公為首庶使高風大節不泯于後而鄉黨之士有所慕效也後學長沙韓復生謹誌

此馮延登行蹟碣長沙韓復生撰延登金史有傳元遺山集有神道碑事蹟詳略互異傳云承安二年登詞賦進士第調臨真簿德順州軍事判官泰和元年轉甯邊令碣云

承安二年舉進士第調臨真主簿再調德順軍州事判官
改知懷甯寨伐官柳建廟學芝生廟梁間人咸異之部使
者舉廉能轉甯邊令

神道碑同

是先知寨後轉令史未詳知寨

事傳云大安元年秋七月雹害稼民艱於食延登發粟賑
貸全活甚眾神道碑云大安元年秋七月霜害稼民無所
於糴官爲發粟賑貧君躬自區處全活不勝計刺史滏陽
趙公周臣慨然以良民吏許之蹟未詳賑民事傳云興定
五年入爲國史院編修官改太常博士元光二年知登聞
鼓院兼翰林修撰碣云宣宗立補尙書省令史出授河中
府判官兼行省員外郎復入爲國史院編修官改太常博
士未幾改太學博士出爲平涼行省員外郎元光初遷鞏
昌軍節度副使明年召爲吏部郎中兼翰林修撰俄知登

聞鼓院

神道碑同

比傳爲詳傳云奉使夏國就充接送伴使正

大七年十二月遷國子祭酒假翰林學士承旨充國信使

以八年春奉國書朝見於號縣御營碣云時夏人請平奉

爲詔講議禮儀使前後贈緡錦數百疋固辭不獲歸悉輸

於官正大初超翰林待制同修國史兼知鼓院上召草官

詔三篇丞相高汝礪見文而悅之因悉徵他文公許而弗

與人問故公曰仕宦窮達在我而已奚以文售人爲有巨

豪殺人繫洛陽獄因大旱賂宮掖使言於上宜大釋冤滯

詔公出審理公密知其情至府得獄狀卒殺之是年出爲

京兆行省員外郎再授睢州刺史行大名路治中改京兆

路司農少卿兼同知轉運使權行尙書六部郎中尋復翰

林待制未幾遷國子祭酒借翰林承旨充國信使

神道碑同亦

此傳爲詳至敘元帝命招鳳翔帥不屈被囚豐州及金亡
死井中則傳與碣神道碑均同在豐州習周易神道碑碣亦紀之
後又附馮公之女妙真抗節不辱足補金史之闕神道碑
云二女長嫁盱眙元帥府經歷官張槌卽此妙真之夫碑
舉其後官耳洛川一統志作洛州字誤

吉州學鄉賢楊貞行蹟碣

碑高一尺四寸廣二尺四寸五十分行
二十四字字徑五分正書今在吉州

金河東南路招撫使隰吉便宜經畧使楊公行蹟

公諱貞字正甫吉州人父諱椿獻州刺史公幼住國學擢明
昌五年第調汝州軍判沈毅有材畧章宗征淮南輸河北民
租什餘萬入洛陽倉主倉者收粟以解民苦積滯河南尹委
公監之舍斛用囊踰月而畢時稱其能再調忻州幕尋知神

木察辟為尚書省掾補知除以父疾去起為國子博士再授大理司直丁父艱東海即位拜國子司業被命循行郡國奏請賑河東饑宣宗渡河擢左司員外郎公奏方今新遷國用乏諸臣使未國所得贈賄宜悉入官遂以公為接伴宋使歸所得如前奏曰是使者以為常還授戶部侍郎兼提河南諸路推貨遂設場以推唐鄧蔡息四州治嵩魯二山銀鐵立河泊市令等司國用以足

天兵攻陝未下會冰釋而還宣宗以公行陝州六部尚書送以甲馬三百公至築城壘繕守備時陝兵老弱十餘萬公懼乏食市官驢運糧畢則以驢借民運磴而收其征置官陝州渡抽分商鹽以鹽中粟助軍食有貴戚口人販鹽不利公已遂使人誣訟公歎曰放於利而行多怨我之謂矣坐免還家

嘗慕范文正公為人為吉州新學舍買附郭田三頃水磴一水輒二以饒學徒

天兵攻吉公挈家避地丹陽京兆行省奏以公為河東南路招撫使隰吉州便宜經畧使公以史詠為趙城令（寧）德為稷山令程秀為鄉（寧）尉併力禦守是年

天兵復掠地隰吉公去吉六十里築牛心寨臨黃河而居以（寧）德及子克義監戰克義死之輿尸至公歎曰我家食祿四世當以老身報國一子何足惜命勿哭亡何

天兵復自鄜延渡河圍吉安堡招撫張冲同知任禮厚夜騰堡奔牛心寨禮厚公子壻也寨受攻日急稍有降者公謂禮厚曰而業進士致身五品亦欲降邪不死何待叱禮厚併其妻墜崖死之又謂子克敬曰國事去矣吾不忍汝為人臣虜

命相繼墜死亦死之命夫人孟氏自經死公朝服南望再拜
畢對鑑掠鬢飾容更素衣焚廬赴河而死後尸橫河冰上門
人張安石見而收之葬於州西麻窟掌

右楊公行蹟史逸其事今吉州之西有其墓墳及其死所
父老猶能言之而子孫無子遺矣金登科記中具載其姓
名新州學施田碇碑畧記其事復生備員吉州購其行二
年乃得之強儀卿家懼其久而弗傳也列諸祠堂以次馮
公非唯表其忠節亦以知學之有原自公始至正庚寅十
月甲申前承事郎吉州同知長沙韓復生述

奉議大夫晉寧路吉州達魯花赤 伯火者

奉議大夫晉寧路吉州知州 鹿 峪

忠翊校尉晉寧路同知吉州事普達實理

教武校尉晉_寧路吉州判官閻思孝

吉州吏目田榮祖

吉州儒學正黃平益同刻

施木物人馮閻夫陳銘李克裕張敏也先喬良甫
張和卿張彥□賀有孚馮瑜郭文清許行簡張
信甫蘭順強儀卿強元楊可道李□□岳□□
李遠志毛思劉進白玉史彥馮□張子受馬宜
夫張子宜

此金河東南路招撫使楊貞行蹟碣楊貞金史無傳續資
治通鑑金元光六年吉州殘破金人於牛心寨僞治州事
木華黎自隰州攻之知州楊貞令妻孥墜崖死已從之與
此碣合惟碣云子克義戰死克敬與其女及婿任禮厚先

墜崖死夫人孟氏自經死貞自赴河死稍不同耳貞字正甫一統志作平甫志又云子克義戰死又命其子克敬克讓俱死碣無克讓想另有所本任禮厚一統志云任厚禮恐志誤也牛心寨在吉州西六十里

亞嶽廟供物記

碑高一尺二寸二分廣二尺一寸二
十八行行十六字正書今在長治縣

亞嶽廟施供物記

前澤州醫學正李克書

享神之儀貴乎多品然非措置之有其物紹述之有其人則曷以罄事神之誠哉潞郡東偏有祠曰

齊聖廣祐三其神甚靈宋金來極宏麗而燬於兵廟之東西居民掇葺修補積數年而門堂殿廡俱備獨享神之儀物有

關爲大德十年廟西住下京畿漕運使趙少中大夫之子忠
翊校尉龍興路富州判官趙恪自任所廼以古銅花瓶暨彝
鼎上獻仍刻字以誌其唇至正九年漕使之孫趙約之來自
上京以茵褥檀枕納於祠中於是儀物備陳器用鮮好凡析
禱饗禴者仰瞻華侈莫不欣羨贊美以謂神之所依庇者人
人之所崇奉者神設使奉神之物或缺非不足以彰神之
休而神其口若祀哉今趙氏以閔閔故家伯姪經兩世前後
數十年而施舍相繼俾器之闕者備設者新其心可謂誠且
敬矣後之典守者儻不以趙氏之心為心或假借而他用或
隱匿而侵欺則神其宥汝乎因刻其銘與數于石龜諸廟壁
用告來者嗚呼其慎守之哉前河東貢元孟州儒學正李庭

通記

古銅花瓶一對 古銅香爐一箇

絨錦被一張 絨錦褥子一床 白絨毛毯一片 綉枕

一對

廟司楊紹先

大元至正辛卯春三月吉日施供物人趙約之等立石

本州玉工王溫刊

按碑題前澤州醫學正李克書碑云潞郡東偏有齊聖廣
祐王祠按元史至元十五年正月封磁州崔府君爲齊聖
廣祐王與此碑合碑有大德十年廟西住下京畿漕運使
趙少中大夫之子忠翊校尉龍興路富州判官趙恪至正
九年漕使之孫趙約之云云皆可爲考晉文獻者之助末
題前河東貢元孟州儒學正李庭道記碑立至正辛卯

至正

十一校至正三年潞州觀稼軒碑庭通止題郡人潞安府志庭通解元官孟州學正河間府府照磨不言何年爲孟州學正以此碑考之則以是年任碑後列供物古銅花瓶云云與唐夏縣禹廟什物碑體例相仿

滿公菩薩重開古井記

碑高一尺四寸四分廣九寸八分十四行行二十一字正書今在解州

滿公菩薩重開古井等記

李中口印長老撰

夫人有功而不彰人之過也彰人功而不晦者亦德人哉爰有釋門滿公菩薩益都路人也游歷於晉寧路解州靜林寺挂錫焉公迺觀其冬之負水可有里餘公之見義而爲觀是院之枯井詰其主僧曰井之歲月口幾乎哉僧曰口亡年月

也古之相傳口井有氣無敢入者公不畏氣之有於是發心辛苦無懈不唯掘土尋泉更要窮源見底不月而泉源開矣雖有餘工亦公之力也而水壯無涸衆乃懽歎是工之後重闢菜園一所又植椒樹數千餘矣噫莫不常住則未必而無利哉可謂供佛飯僧功莫大焉鳩斯勝因資嚴覺路於季代為釋子者罕見其人矣慮後湮沒故以鐫珉用傳不朽永垂後世無窮之者也

全開井祐禪

皆至正十一年四月 日尊宿洎盍院大衆全立

太平李果刊

校碑以僧滿公游解之靜林寺重開古井而立云滿公益都路人元史地理志益都路唐青州金爲益都路總管府

又晉甯路領州九有解州今解州志靜林寺在州西二十里元至正三年重修寺僧海邱暨澄記此碑立至正十一年在三年重修後

廣德真君廟記

碑連額高一尺廣一尺七寸六分十六行行三十二字正書額題六字篆書今在洪洞縣

廣德真君廟記

臨汾儒學士韓宗烈撰

平水顧浩齋皇甫亨篆額

勅授大都上都兩路醫學教授口魁中齋後人張德恒書
丹

洪洞縣晉屬城也邑南有鄉曰普潤有神曰

廣德真君其廟先在邑西陲之七佛峽民間素畏敬凡遇旱

必齋戒禱祈禱之虔至必清風徐來甘雨繼降苟或褻慢必
飄風暴雨拔樹發屋是非神有喜怒蓋觀人之誠與不誠也
中統間驕陽肆虐耆老迎神于里中甘霖果足因集鄉民相
與謀曰今變枯槁復為滋茂何以上答 神休若送神還
故廟則晨夕香火朔望瞻仰或有闕建廟于斯為神之離宮
可乎僉曰善乃卜地得汾水之左東喬里之北距臯陶故里
二百舉武以建今廟祀以孟夏望日鄉民分為五管歲更致
祭焉況

風伯雨師迺國之常祀今鄉之民業農而祭主風雨之神理
宜矣較夫淫祀野祭者豈不愧歟夫農桑實

國家之先務而生民不可一日無也雨澤不愆耕耘以時既
富且教則禮義興而口化美矣里人衆老老等懼其跡久而

浪立石以記其事

昔大元至正十一年歲次辛卯孟夏望日立石

奉議大夫泰安州知州段希義助緣

古楊口皇甫璘刊

按碑題臨汾儒學士韓宗烈撰平水頤浩齋皇甫亨篆額
敕授大都上都兩路醫學教授張德恒書丹考元史百官
志上都惠民司有試驗太醫教官之責德恒官教授其卽
教官與碑云洪洞晉屬城邑南有鄉曰普潤有神曰廣德
真君洪洞縣志普潤鄉統都二碑云廟舊在邑西陲之七
佛峽中統間移建汾水之左東喬里之北距皋陶故里二
百武縣志皋陶墓縣南十三里皋陶村南十里末題奉議
大夫泰安州知州段希義助緣通志金石記元段丞相墓

碑及泰安州知州段希義碑在洪洞縣至正十三年立卽此人縣志有南段北段諸村蓋其後人所居太平寰宇記晉州洪洞縣汾水在縣西六里方輿紀要平陽府洪洞縣普潤泉縣東南二十里皆可與此碑相參證碑立至正十一年

永濟橋碑

碑高二尺三寸六分廣一尺六寸三分十八行行二十九字正書今在壺關縣東關壁村大元國晉寧路潞州壺關縣東關壁砌建橋記

壺林鄉試舉教諭程稟直撰

北三家鄉貢進士董尚文書丹

上黨太行脊吾邑連屬爲其巔崖斷港疊嶂崇岡於全晉爲最若汙而爲壑流而爲河平衍之土什無二三民於其間擇

隙地以耕稼引駒隨犢朝往暮來逕路之崎嶇閔梁之阨塞
莫不以艱行為苦焉邑之西北十里許有聚落曰東閭壁里
其地有山南玉泉而西栢谷鳳凰倚東而白馬峙北虎牙傑
立鳥翅齊列歷雨潦而衆流湍激以蹊間而成路雖樵牧亦
苦其難矧望其服車牛以成農務者乎里之東舊有土橋以
通徒行歲久頽圯遺址僅存鄉民念茲莫不傷盡期於周官
之六齊時則未可適有好義者本里楊玘皇玠楊從玉楊太
李潮楊資實馬口楊仲實楊伯川捐已財鳩衆力同好事者
叅贊協謀取石於斯聚工於斯而剏建橋爲高闊伍仞經
營於至正辛卯春落成於是年夏凡廢一千紙於蹄馳輪載
咸適其便里人忻忻焉功既畢玘之甥董尚文者吾門之生
也述其事之本末以求名爲記予曰扁其橋曰永濟竊謂非

永無以安其民非濟無以成其務較之子產以乘輿濟人而見譏於孟子者殆有間焉玘鄉人也有一善之事取予樂道其事以為記

至正十一年甲午月丁卯日功畢

崔執中 張小三 東禪 李懷德

石匠口店王才男王時進口

按碑題壺林鄉試舉教諭程稟直撰北三家鄉貢進士董

尙文書壺關縣志秉直

此碑作稟

邑人通潤鄉在縣北有村曰

三家卽此碑之北三家碑云邑之西北十里許有聚落曰

東關壁縣志東關壁村亦隸通潤鄉又云其地有山南玉

泉而西柏谷鳳凰倚東而白馬峙北潞安府志玉泉山在

長治縣南七十里百穀山一名百谷山在縣東北十三里

卽太平寰宇記之百穀山今有宋吳縣志北鳳凰山在壺

中復陳述古游柏谷山寺詩碑本關縣北十五里見魏碑又有橋曰永濟云云縣志載此文

而刪削過多不足爲據碑立至正十一年

錦屏山詩

碑高一尺一寸廣一尺九寸五分七行
行字不一字徑一寸行書今在吉州

予父來守吉之明年春因偕同志二三友遊飲于嶺觀
前太守所和唐刺史詩韵不免效顰以口一口事云至

正壬辰春三月北口張以敬書

錦屏春樹抹晴烟山郡民居

見舜年遙憶當年賢太守

時將佳句寄林泉

刊者太平李昶

此張以敬錦屏山詩李昶見劉尚質詩後題名

重修羅漢院記

碑高三尺六寸六分廣二尺二寸五分二十四行行四十三字正書今在浮山縣

重修羅漢院記

晉寧路浮山縣逸人段昺撰

大寧路儒學錄段訥書

蓋聞建功業於當世者智士之所作盡孝敬於尊親者仁人之所為晉寧之東有屬縣曰浮山邑中有寺曰羅漢院其來久矣至故宋宗主有道尊師志應交往在朝賢相名士酬和詩文時復請謁備有殿堂壁記詳具其實傳至亡金順公律師元公勝公悟公繼自海公有徒二僧長曰法安本縣僧司都綱次曰法隱提點本縣僧司事訓誨徒衆講明教法規模

嚴整無不畏服經值大德七禩坤道失命故殿廊廡俱已顛覆蕩然一空都綱法安游講於江淮間法隱糾集僧衆朝經暮營不逾年而

正殿復建矣厥後法安來歸二師同發虔誠化緣

聖殿神佛法隱捨施己財繪畫壁像無不悉備其中金碧燦爛彩色晃目萬像若真儼然可敬可畏端所謂祝延

聖壽之所及次第締構東西庫廩齋厨各五楹前口其門暨增益土田創贖宇院足為羣僧常住廩膳安居之業至正丙戌歲法安身化辭世法隱卜宅居葬追思哀痛無異同氣所育者其法隱雖居釋教之門平日常事親生則甘旨供奉終則卜宅居葬買置贍墳土田歲時慕思致祭人子之情亦以脩矣越至正辛卯創建

觀音轉簷殿宇高聳陵空威蹲鎮地其功尤大有本邑旌表
耆德幕寮段君明叔泊士夫宋公信甫栢公彥政趙公仲良
來調予曰人有如是之嘉功孝行詎可緘默而不讚之耶口
文於予以表其事予固辭不允再三堅請誠不獲已故直書
其事以錄其功又且激勸將來姑紀其歲月云

大元至正十二年歲次壬辰四月二十四日

住持僧恒琳 尊宿恒珠 提點僧恒琬 恒琇立石

浮山縣吏李良 蕭希賢 張恭 鄧思敬 尉吏喬昱

在城社長 盖克信 楊禮德

晉寧路浮山縣稅使提領馭馭

晉寧路浮山縣稅使司副使楊汝霖

晉寧路浮山縣權典史張永通

晉寧路浮山縣儒學教諭王思淵

晉寧路浮山縣尉呂崇進義副尉

晉寧路浮山縣主簿買駟

從仕郎晉寧路浮山縣尹兼管本縣諸軍與魯勸農事秦若美

承事郎晉寧路浮山縣達魯花赤兼管本縣諸軍與魯勸農事八刺

翔山柴世榮柴世昌鐫

按碑題晉甯路浮山縣逸人段昇撰大甯路儒學錄段訥書按元大甯路隸遼陽行省路有儒學學錄一員見元史地理百官志與訥官合碑爲浮山僧法安法隱重修羅漢院而立其曰大德七禩坤道失甯云云元史成宗紀大德

七年八月辛卯地震平陽太原尤甚村堡移徙地裂成渠
人民壓死不可勝計卽其事第本記言路而不及縣五行
志雖言縣而不徧及以此碑及文水重建文廟碑聞喜補
修宣聖廟等碑考之皆可補史志之闕碑末所列諸官有
浮山縣稅使驢驢稅司副使楊汝霖典史張永通教諭王
思淵尉呂棐進義副尉主簿賈驄從仕郎縣尹兼管本縣
諸軍奧魯勸農事秦若美承事郎達魯花赤兼管本縣諸
軍奧魯勸農事八刺元史世祖紀至元二十八年四月甲戌詔各路府州長次官兼管諸軍
驛鄂驛卽奧魯合此碑證之知元州縣官皆兼兵事皆可爲考晉故者之助碑立至
正十二年

天甯萬壽禪寺記

碑高五尺二寸五分廣二尺十九
行行四十三字正書今在解州

靜林山天寧萬壽禪寺重修記

夫正運遐昌始自周初之壬午（玄）鳳巨扇元從漢帝之年玉甃東流金人西瑞摩騰竺法首傳貝多之文杲公祖師初建靜林名剎繇是源遠流長根深枝茂然而吾佛之教縣亘古今接物利生盛行於茲矣前之招提者在東南隅之二里曰興化寺於熙寧（寧）戊申而猶重建後因零替荒廢無人修葺而法苑蕭疎僧坊闕寂年之大宋有杲公祖師諱元杲生本武都落髮兩水既捨彼而取此乃觀異境之風從容而歎曰甚可幽哉宜建梵剎遂創靜林之寺于五百間之餘也於州相去幾二十里仍茲山連五峯之奇水繞群木之秀然則灯緒之傳燭匪絕蘭若之久繩恒存列其梵宮者森森然從經兵革咸從毀廢空留晏坐之臺無復經行之處唯一殿宇之存

焉踵後子繼孫傳清風不墜至元朝上章君離重興福地再
立金田佛殿法堂僧堂三門衆厨庫廳通過僧寮廊廡等舍
復舉皆新風煙如故為郡人之快覩也於中塑畫之像並粹
容頤疑寔相端嚴而已可謂前後諸公住持輪流者各有勤
績耳然寺之周遭古今之佳致可望而不可枚舉也如檜栢
叢中之有羅漢洞如青山境裏之有白龍潭敞南山之秀麗
深東澗之清涼萬壑松栢之操五盤水磨之雄皆繞於其傍
也大哉子孫能行之則祖師之幽光潛德已顯而不晦善緣
嘉行已著而不泯子孫相傳之次蓋亦規而不紊矣然而①
揚佛事扶俗歸真者其孰能矣莫不諸公崇是院之功也仍
紀開創之源使將來而轉化無窮矣有至治年護持院門王
印法旨一道至順年大王金宝令旨一道至正年斷訖東坡

山嶺執照一道於至正十年又斷訖東坡山嶺執照一道至
正辛卯歲太族月敬以鐫珉用傳不朽遠蒙本山高德法語
固辭不已而愧書

太祖庭少林住持嗣祖傳道比海印長老澄撰

本院講經沙門講主東溪洪口書

敦武校尉晉寧路解州判官郝口篆

大元歲次至正壬辰季秋上旬吉日尊宿雲溪晟衆僧等
立石

絳州太平縣李仲德男李果鐫

按宋王基靜林山興化寺記中條山靜林谷有古寺載於
圖經唐乾甯中錫名妙覺本朝太平興國二年易以今名
卽此碑所云興化寺者碑云杲公祖師諱元杲卽王基記

之主僧元杲按宋慶厯至熙甯凡修興化寺者三主僧則有曰普真曰洪濟曰元杲皆與於修寺之役此碑舉元杲者指最在後者言解州志靜林寺元至正三年重修寺僧海邱暨澄記卽此碑重興福地事碑末有云至治年護持院門王印法旨一道至順年大王金寶令旨一道可爲元代崇佛之證碑立至正十二年

段義墓碣

碑高二尺四寸五分廣一尺三寸九分一行十三字前題一行九字正書今在洪洞縣

至正十三年孟春穀旦

昔故泰安州知州段公譚義之墓

按通志金石記元段丞相墓及泰安州知州段希義碑至正十三年在洪洞縣南十里馮張村今塌本惟存至正十

一年孟春穀旦昔故泰安州知州段公諱義之墓等字校
至正十一年韓宗烈廣德真君記末題奉議大夫泰安州
段希義助緣今揭本漏希字誤三爲一耳又無段丞相字
疑非完本校金石記所云段丞相或另自一碑歟

關廟詔

碑高一尺一寸廣二尺十七行
行十一字正書今在鄉甯縣

上天眷命

皇帝聖旨褒勅封

齊天護國大將軍檢校尚書守管淮南節度使兼山東河北
四門關鎮守招討使兼提調遍天下諸宮神殺無地分巡案
管中書門下平章政事開府儀同三司金紫光祿大夫
駕前都統軍無佞侯壯穆義勇武安英濟王崇（字）護國真君

大元國至正十三年四月中旬有九日立石

王子謹書丹

施主襄陵縣王從周妻焦氏

長男王子和王子口 絳州口泉村石匠楊恩刊！

按此碑所載皇帝聖旨云云爲今闕廟封號元史天厯元年九月庚辰加封漢前將軍關爲顯靈義勇武安英濟王遣使祀其廟此碑有壯穆而無顯靈字按宋淳熙十五年特封壯穆義勇武安英濟王勅在湖北當陽爲此碑所本錢虞山重編義勇武安王集二卷惜未見又備列所封有齊天護國云云頗不經或鄉人意爲之碑末題至正十三年四月立石王子謹書丹

靈贍王廟碑

碑高四尺五寸廣二尺四寸七分二八行行五十四字正書今在平定州

蒲臺山靈贍王廟碑

前中書左丞呂思誠撰文題額并書

蒲臺山靈贍王廟前有巨石如帽既崇且廣上有池天成蒲生於中雖甚旱水未嘗竭故蒲之叢鬱然翠潤可愛是以名其山云四月四日口享廟上前期一日迎神六村之衆具儀仗引導幢幡寶蓋旌旗金鼓與散樂杜火厠見疊出名曰起神明日牲牢酒醴香紙既豐且腆則吹簫擊鼓優伶奏技而各社各有杜火或騎或步或為仙佛或為鬼神魚龍虎豹喧呼歌叫如蜡祭之狂日晡復起名曰下神二至之處日夕供祀惟謹歲以為常祭之日或時有露涓然生蒲上圓若水晶丸忽爾飛綴樹端又有黑蛇蜿蜒而出金睛紫舌盤繞几筵香烟吸酒金大定間東山趙懷允之記曰初因天早有數童

子戲禱石下見露泛蒲生雨遂霑足後有禱輒應宋時與嘉
山石氣相並封三曰靈瞻今廟額曰王是口亦在金宋之間
乎神有二或曰猶東岳之炳靈也每見祭時又具獻物望石
甕山拜豈以石氣險阻不能上合祭於斯乎耆老等曰我
國家承平百年民物豐阜時或有旱暘之沴以紅羅幕瓶口
置石上而拜于下或即時有露或一日二日或至連日終不
得者露既清然而出矣頃更不見下瓶而探其中已滿溢迎
置壇所隨行而雨其或不恭泠然飛去又或蛇出直入懷中
以懲不恪此則共聞共見也惟山之蘊能興雲致雨神發著
見天地之分有山之初而然也因此童子之誠而相因至今
人以為神之初也川沉而山度禮也廟焉而享尊而親之也
六村之衆亦不知其所從來矣傳曰深山大澤實生龍蛇易

曰山澤通氣露生蛇出又何為怪但水自入瓶何其神哉易之象乾曰天行坤曰地勢坎曰習坎艮曰兼山震曰洊雷巽曰隨風離曰明兩兌曰麗澤蓋自震而坎而艮天行也自巽而離而兌地勢也莫非乾坤之所為也曰習曰兼曰洊曰隨曰兩曰麗惟乾與坤但曰行曰勢而未嘗有所分也說卦云健也順也動也入也陷也麗也止也說也性情也為天為地為雷為風為水為日為山為澤形體也夫所謂主宰者出乎震齊乎巽見乎離役乎坤說乎兌戰乎乾勞乎坎成乎艮繫辭云精氣為物游魂為變故知鬼神之情狀屈伸往來造化功用之謂乎其曰神也者妙萬物而為言者也斯其至矣或曰陰陽錯行天地大駭有雷有霆水中有火乃焚大槐又曰自有宇宙便有此山世曰山者地之物以所見者言之也至

月風雷雨自地出也世曰月風雷雨天之物以所見而言之也蓋亦有所本歟且平定屬興寧在地則為趙魏之交在天則為易畢之分彼其唐風化德雨師降靈山川之秀民物之茂又不在於茲乎刻石著辭昭示永久孰曰匪宜於是千河人匠提領王仲美之子小提領讓平潭□□義西河馮成甫與賽魚李教諭極相與糾率六材分社二各有墮二下分人二各有長併勒于碑陰其別處好事君子來者或前或後位便而書乃先列本州之官吏者敬所統也敢再拜而為之詩曰

青青者蒲帽石巔帽石屹立

神宇前時雖大旱水不涸神之神兮不可言騫爾有人禱其下蒲上津津露漙然倏忽變則水晶圓望之飛上松枝懸有

時有蛇出几下矯首吐舌來蜿蜒紅紗方幅罽瓶口瓶口滿
溢理何⑤隨行下雨雲雷合桃江相接流長川枯槁須臾起
生意吉蠲之報年復年季二乃至四月四六村父老來駢闐
再拜獻享神祠下一心無二亦無偏

靈贍之贍豈惟此膚寸而出應普天惟此六村為最近尊而
親之情且專子子孫孫藉廕庠更望篤生哲與賢上為
國家下民物無疆之休惟綿延瓊瑤山拱不敢前獅子山立
不敢連神之來兮神之去雨餘旭日開晴煙

豈至正十三年歲在癸巳四月吉立六村耆老人等立石

廟官范津

平定州同知和尚判官沙的吏目王⑥瑞司吏王宜鄭德
輝邵希道劉士賢張鳳儀侯賢甫任繼誠

石匠李泰李顯男思忠文質門人楊子珎張誠籌刊
石匠劉亨甫□□□門人時伯臣魏仲玉

按碑題前中書左丞呂思誠撰文題額并書此碑立至正
十三年以元史思誠傳考之由湖北廉訪使入拜中書參
知政事左丞轉御史中丞再任左丞知經筵事提調國子
監兼翰林學士承旨知制誥兼修國史又為樞密副使仍
知經筵事復為中書左丞拜集賢學士仍兼國子祭酒左
遷湖廣行省左丞復為中書左丞順帝紀至正十四年二
月呂思誠為湖廣行省左丞九月庚申自湖廣行省左丞
復為中書左丞續通鑑至正十年十月中書左丞呂思誠
左遷湖廣行省左丞以此碑證之則至正十三年思誠已
不為左丞故題銜有前字續通鑑云至正十年左遷者當

較元史爲確碑所云平潭西河賽魚等地名並見州志平潭鎮州西二十里西河村州西二十五里賽魚村州西三十里皆近獅子山者碑末所題諸官有平定州同知和尚判官沙的吏目王甯瑞皆可補州志之闕碑立至正十三年四月

興真宮記

碑高三尺二寸五分廣一尺八寸二分
二十行行四十字正書今在聞喜縣

重修興真萬壽宮記

絳州^⑤學三洞講經師觀妙大師王復初撰

希真保和大師支德祥篆額

古桐鄉士張希良書丹

夫^⑥元之道先天地而莫知其始後天地而莫知其終其體

則歸根復命其動則物各芸芸大無不包細無不入無物不
有無時不然(玄)元之教始立於軒黃(玄)風之振五帝三代隨
時播化自漢唐以來千載之下復得 重陽祖師王公異
人輩出作者七人矣再興(玄)元之教號為全真泊我

聖朝徵 長春真人於海上問以修身之術師曰外修陰
德內固陽精

上大悅命掌全真之教俾為道者除徭役免賦稅為 國

焚修由是(玄)風大振天下莫不宮觀焉故聞喜治之東北遼
城五十里有鎮曰蘭德其宮曰興真乃 祖師玉陽門下

史公上人修道煉真之所也自天(曆)戊辰歲西軍一過饑饉
荐臻道侶流散宮觀蕭然逮元統癸酉歲頗登住持道士韓
元亨趙元冲楊元忠同心協力備費鳩工殿宇踈漏者增修

之應門圯敗者更新之柱礎傾者正之基址缺者完之繪粧
塑像中外儼然咸為一新來者觀之罔不稱讚一日衆相謂
曰是役之興厥功告成曷不勒石以紀

先師相傳之序後人述作之勞於是以文見囑愚亦
陽親炙之高弟^⑤靖真人牛志^⑥之孫也義不當辭謹錄其
實而記之銘曰

紫金山西 媧皇廟東 中有仙館 興真故宮 重修
者誰 元忠楊公 祖師創建 德音不忘 ^⑦風再振
大道光揚 朝夕敬祝

聖壽無疆

時大元至正十三年歲次癸巳十月癸亥吉日尊宿蒙安
闡揚安仁迪安政王安信立石

晉寧路解州冷口峪巡檢陳銘

甘泉張信姪張顯刊

聞喜縣志補金石門興真宮記元至正十三年在梨園卽此碑聞喜縣志興真宮在城東蘭德鎮與碑云故聞喜治之東北有鎮曰蘭德其宮曰興真合其曰我聖朝徵長春真人於海上卽元文類姚燧長春宮碑長春子邱處機爲全真學於甯海之崑崙山太祖俾近臣劉仲祿持詔求之事其曰俾爲道者除徭役免賦稅爲國焚修卽長春宮碑凡爲是學復其田租蠲其征商事其曰天歷戊辰歲西軍一過宮觀蕭然卽續通鑑九月天歷元年戊子陝西行臺御史大夫額森特穆爾從大慶關渡河官吏皆棄城走事碑文爲王復初撰支德祥書皆業於老氏者按碑謂宮自

天厯被兵後元統始修復其鋪張彼敦云云亦可爲元代極崇道教之證碑末有解州巡檢陳銘可補志乘之闕

重修大禹廟碑

碑高六尺三寸廣二尺七寸二十五行行七十字正書今在夏縣

重修大禹廟碑

翰林承旨榮祿大夫知制誥同修國史廬陵歐陽玄撰

資善大夫陝西諸道行御史臺中丞山東韓鏞書

資德大夫中書左丞兼翰林承旨知經筵事提調國子監

太原呂思誠題蓋

盛德必百世紀有廟則人心萃所由來尚矣在昔唐虞之世澤水橫流民無底居而天下幾不國矣大禹出而治之然後九州以平五行以順而民生衣食於彛倫攸叙之中迨于今

幾四千年所謂盛德之當祀宜與天地相為無窮也安邑夏后氏之故都邑之人尤重事禹後魏分其東為夏縣邑之墟故存焉其中土高為基者十有三仞而縮其廣輪則五畝而贏上有大禹廟四楹朔始歲月莫有紀者且隘陋弗稱歲久將傾泰定甲子初靜海縣達魯花赤瑞著致事家居爰咨于衆合謀新之時主廟事臺可明與邑人薛政寔相其事於是人心翕然富者輸財強者輸力群材集鱗五工程能既底法矣廟成有日而瑞著卒遂中寢邑士劉思義慨然曰大禹功德不可忘也瑞著之志不可以不成也迺諗于衆而出己口以竟其功聞者益勸財力加裕廼荒度故殿址廣植八楹殿之北復作四楹以塗山后配焉左右翼以邃廡嚴饒宏敞信足以萃人心祀盛德矣既而思義又卒其子大有能繼父志

自大禹而下舉皆像焉樊君益吉邑雅士也至正甲申秋應
江潮行省辟來武林迺狀其顛末徵愚文以記之昔聞龍門
之水潰薄激越聲如萬雷意其疏鑿之初其功殆與神明侔
也歷代廟祀固宜在焉然安邑山川形勢則太行王屋箕山
三門在其東龍門壺口在其西其陽則雷首汾陰其陰則平
陽霍岳也邑大夫人士歲時則具牲牷奉粢盛潔酒醴登祭
于廟而左右瞻顧其隨山刊木跋履險阻舟車櫂楫之載疏
鑿排決之勞膚腴胼胝過其門而不入者可想像而見也傳
曰見河洛而思禹功况其故都實水功之所載而朝覲謳歌
歸于吾君之子之地其感人思深矣是尤宜為口食之所在
也雖聖人之德與天同大死而為神在帝左右然聖人之心
不忘天下豈無臨眺故鄉之時乎宜瑞著一倡之而人心之

響應者不約而同也乃為歌詩九章補九功之歌以遺夏人
俾刻于麗牲之石而歌以侑祀云

天地攸產 非水不生 或失其維 物受其殃 以淡
以泊 迺清迺平 於皇時功 永言不忘 維昔洪荒
茹毛飲血 燧人氏作 俶載烹飪 澤水既平 民
出昏墊 奏艱奏鮮 以灼以爛 維木之生 維民之
材 洪水湯湯 或駸或菑 水功告成 乃苞乃條
斧斤時登 民用以優 陰陽之精 山岳之英 迺生
□金 用冶而成 鼎兮象物 國器以利 荆揚三品
□貢維貴 維土厚德 萬物攸載 九埜既平 既
宅既藝 於皇

聖功 萬世永賴 天地之德 爰在稼穡 立我烝民

真匪爾極 勞而不伐 爰暨于稷 洪苞治兮 洛

書呈兮 皇建極兮 正民之德兮 民有欲兮 亦孔

之衆兮 通百貨兮 斯利其用兮 八政之疇 食貨

其首 養豐于老 罔匱于少 民生斯厚兮

晉寧路夏縣典史閻復

晉寧路夏縣尉党履信

登仕郎晉寧路夏縣主簿蕭明德

徵仕郎晉寧路夏縣尹兼管本縣諸軍與魯勸農事知渠

堰事劉伯顏帖木兒

從仕郎晉寧路夏縣達魯花赤兼管本縣諸軍與魯勸農

事知渠堰事李蘭奚

至正十四年歲次甲午孟夏上旬吉日劉大有等立石

古銅堰掌張德信鑄

按夏縣志禹王廟元至正十四年重葺祠宇學士歐陽原
功記卽此碑碑始言靜海縣達魯花赤瑞著致事家居議
修此廟廟成有日而卒邑士劉思義父子竟其功與縣志
所列明馬巒禹廟記至正時夏民劉思義父子興修者合
碑末所列當時夏縣尹佐達魯花赤李蘭奚縣尹劉伯顏
帖木兒主簿蕭明德尉党履信典史閻復皆可補志乘之
闕碑文歐陽元撰元史本傳至正五年拜翰林學士承旨
御史臺奏除福建廉訪使復拜翰林承旨尋致仕復仍前
翰林承旨進階光祿大夫今碑結銜稱榮祿大夫則猶未
進光祿前韓鏞元史本傳濟南人至正十年拜參知政事
同表十一年出爲甘肅行省參知政事遷西臺中丞歿官史

無除西臺中丞年以碑考之知於至正十四年任呂思誠
 傳平定州人擢泰定進士累授湖北廉訪使入拜中書參
 知政事升左丞表至正六年四月轉御史中丞再任左丞
 知經筵事提調國子監兼翰林承旨與碑列銜合本紀是年九月
 庚申復為左丞碑立於是年之夏元為元末著作鉅手史
 而書後銜疑史誤或稱其前官耳
 稱海內名山大川釋老之宮王公貴人墓隧之碑得元文
 辭以為榮則此碑之存良足珍異思誠鏤皆元季名臣元
 撰鏤書思誠題蓋以一碑而萃三名臣之筆尤不易得也

重修龍王廟碑

碑高四尺八寸廣二尺四寸二十五行行五
 十五字字徑七分正書額篆書今在壽陽縣

重修壽陽縣北山龍王廟記

承事郎前晉路垣曲縣尹顧立安撰

平江路嘉定州蒙古學教授郝蔚家額

承事郎冀寧路壽陽縣尹李道隆書丹

壽陽之爲郡在大行之陰其□而亂與環□□望之突然而起□□□□與衆□相連者曰北山也雙鳳山也其雙鳳之東偏約三千餘武有一□廟而祭之曰龍王廟也其廟乃未知何代而立□至

大元至元八年歲次辛未本縣官吏士庶寔爲□廷□□督其畱□□□事者□□者不召而從不鳩而集富者輸其財貧者□其力不日而告成自是來祭者益多也歲有水旱疾病祈無不應□□郡□方寔□其福不爲不多□祠之東有聖水井焉綠湛玻璃香浮蘭麝左領桃溪右襟松嶺冬翠春紅互相掩映是異秀之萃也祠之南高□數千尺擲□

猛□長蛇□猿□唳鶴聲蒼蒼然石崖也有時雲霞出沒或
□或黃頃聚頃散其神物游觀之所也祠之傍靠一□師廟
焉若過春夏之時電擊雷轟天昏日暗其雨師常與神物結
□之地也祠之下富有□村焉週迴布列一曰西張村二曰
范村三曰下周村四曰東光村而其人曰大道分地理能護
□□□□乃備龍祠於時告報不絕血食也至元二十六年
五月十三日亢陽爲沴范村元庭下周張與特發虔畏祀於
斯廟乃卜之吉得取水於聖井中不移時水乃自入其瓶矣
元庭張與□謝而歸至於西張村崗上敬爲壇場越二日霧
霏而雨足□□□□鄉中耆老社直即送其水鑼鼓喧天柳
花蔽日用四人擡聖水倚欵復井□其聖水倚俄尔昇空髣
髴丈餘巍然不下衆乃叩頭再拜□□而下嘻龍之爲靈也

變化不測神妙無方信不虛矣河東道□□□□□□
□斯事來告余欲立其石以爲□顯敬之余素知□□□名
□行□□□女而通行必合於義□□不倖其理其肯誣神
誣於人誣於心乎余□文理訛謬願筆其事當以其辭而贊
之辭曰

太行橫秀 雙鳳山巔 中有神□ □化若遷 誰其
配者 乃雨師焉 霞舒雲娑 芝芳蕙研 願秘聖井
湛然綠泉 每遇旱歲 祈禱縣縣 霽霽一方 槁
苗淳然 乃興祠廟 血食永年 恩霑庶姓 靈聞九
天

皆大元至正歲次甲午孟夏己巳癸巳朔吉日立
孟州石匠是□□智男彥英彥祥彥良彥中刊

壽陽縣儒士

閆庸

重書

壽陽縣典□王禎

司吏王機

王□

白邦傑

張

直臣 賈□

登仕郎壽陽縣主簿劉榮祖

壽陽縣尉蔡成

承事郎壽陽縣尹兼管諸軍奧魯勸農事李道隆

壽陽縣達魯花赤兼管諸軍奧魯勸農事鐵里不花

此壽陽北山龍王廟記承事郎前晉甯路垣曲縣尹顧士

安撰平江路嘉定州蒙古學教授郝蔚篆額承事郎冀甯

路壽陽縣尹李道隆書丹按元地理志垣曲絳州屬隸晉

甯路壽陽平定州屬隸冀甯路嘉定州隸平江路均與碑

合蒙古學教授亦見元百官志此記因祈雨靈驗鄉人歸

功於神報賽脩廟而作事跡神異字句俚鄙倚字作倚合

於六書甲午至正十四年

彭克明絳州去思碑

碑高四尺四寸廣二尺五寸六分二十行行五十一字隸書今在絳州

大元絳州知州彭侯去思之碑

進士上黨李健臨

奉訓大夫前監察御史晉寧路潞州知州兼管本州諸軍

與魯勸農事曲沃劉尚質撰

奉政大夫晉寧路遼州知州兼管本州諸軍與魯勸農事

魏郡與屯填書丹

奉議大夫成都路治中致仕郡人孫好義篆

欽惟

聖天子臨萬國勵精圖治乃命賢宰相選舉守令制定以六

事考課海內之民咸鼓舞作新沐浴于

聖君賢相膏澤之中矣惟晉寧河嶽英靈風俗淳朴絳在其
南臣治七縣翼唐叔初封故剪桐里沃土厚水深而民易教
紫金諸山汾滄沸泉絳縣西垣姜嫄古廟厥生民初稷廼后
稷山陵羲和遺塚大平西山產鐵礦其民豪健好義正平九
原金臺玉辟馬頭之山植翠萬丈鼓堆之水溉田萬頃靡之
北洲連清風諸亭虎豹門華萼堂脩竹數十萬箇水聲荷香
可念至正九年秋九月彭侯克明承

紫泥宣來守是州爰修社稷壇墠乃曰社為五土之神稷為
五穀之神祈穀於此斯民之主乃卜譙地繚以垣墉歲祀豐
潔而屢豐越明年五月旱侯于是禱雨于境神雨即澍旱不
為災七縣官吏畏威而服里正社長往時歲首交易官吏高

下其手民不勝感下指揮令推選上上戶著甲乙簿於是
至正杜長一定而不移七縣民安太平縣陳姓者一妻一妾
無兒婢姪為嗣妻喪明妾取他姓子為養兒姪至家輒箠楚
事訴於官侯即決之遂為母子如初正平民薛氏子幼時問
呂氏女為妻迨婚年薛氏貧甚呂氏女改婚與富家事告侯
即以理決之薛氏子婚姻以時聶順者有田及青剛泉被李
郭姓人詐摹文契爭訟連年不決侯輒辯明遂歸于聶翼民
李某妻斬與許姦因殺其夫縣隱其事侯俾曲沃閭縣尹德
中覈其事白斬許皆死至正辛卯河南反賊擾亂侯因上司
軍軍儲造兵器飛芻挽粟使者相望絳當衝要侯夙夜用心
民不知擾余在至正丙戌嘗受

命守沂到官九日

宣慰司與益都路同知齟齬然而歸自沂至魯自魯至趙

至晉三千餘里數百州縣止得兩縣尹平遙趙如魯猗氏李
熙載茲二尹旋即物故可傷也已今彭侯政事如此可歌也
已侯字仲德

國名李蘭奚東明人求碑文者

馮晟劉尚仁尚庸也其辭曰

棗纂兮紅葩麥秀兩岐兮無涯鼓之水兮湯、荷華似錦兮
多香侯之樂兮未央侯之德兮可忘願侯壽康兮絳之民願
侯調梅兮鹽池濱七縣山水兮磊落侯何捨此兮騎雀侯莫
去兮汾水漲汾之漲兮石碑壯石碑壯兮大字嗟侯之政兮
何已

至正十四年歲甲午四月吉日州吏師煥監工

耆老陳潤

張德

彭政等

立

彭仁

晉路採石局提領大平李昶暨男李郁鵠

按碑題前監察御史晉甯路潞州知州

兼管本州諸軍與魯勸農事曲

沃劉尙質撰晉甯路遼州知州

兼管本州諸軍與魯勸農事

魏郡奧屯

填書丹成都路治中致仕郡人孫好義篆曲沃縣志劉尙

質字仲殷張亭里人博學能文登泰定丁卯進士任稷山

守已廉平邑人感德遷翰林編修後拜內臺御史

與碑前監察御

史忠直敢言得風憲體引年休致日與學士靳榮題詠邑

人以二賢目之潞安府志元有潞州知州劉仲殷曲沃人

仲殷尙質字今碑題知潞州與潞安府志合碑云至正丙

戌受命守沂是至正六年尙質嘗知沂州而曲沃志於知

沂知潞皆不言蓋撮舉大槩爾元史順帝紀至正十八年

五月察罕自以劉尙質爲冀甯總管當卽其人遼州志至

正年有遼州知州奧屯眞疑卽奧屯填孫好義見宋克篤

彭侯遺愛碑碑爲彭克明而立卽克篤遺愛碑內所云御

史劉尙質爲去思碑者碑云至正九年九月彭侯克明來

守是州此至正九年克明知絳之證

絳州志彭仲德至元中知絳彭克明至正

知絳以此碑云侯字仲德考之則克明者其名仲德其字州志分爲二人疏舛甚矣

克明仕履此碑

不詳以宋克篤碑考之公練習儒吏兼通譯語延祐中始

脫穎於典瑞院譯史

元史百官志有典瑞院

歷延豐倉使嵩州知州

瑞州路治中朝廷以絳密邇河南謂非公莫能辦故特授

以東雍之寄又云承總府檄出置軍儲於遼沁又出權牧

於霍州本道憲府暨內臺御史莫不交章薦舉公得代之

明年成都路治中孫好義白僭道韓德成閭瑞澤等以其

餘善蹟具狀請立遺愛之銘是克明由瑞州治中刺絳以

中外交薦遷

絳州志宋克篤至正十四年知州碑所言定則克明去絳當在至正十三年

里正社長察獄糴軍儲等事皆非有吏幹者不辦碑云至正辛卯河南反賊擾亂元史順帝紀至正十一年五月辛

亥潁州妖人劉福通以紅巾爲號陷潁州按潁州隸河南

江北行省此河南擾亂之證碑又有曲沃縣尹閻德中元

靳榮重修曲沃文廟碑記有閻公得中來尹是邑文曲沃

縣志元縣尹閻得中此碑作德至正八年任按克明以至正九

年洩繹正與德中尹沃同時碑又云至正丙戌至正六年守沂

到官九日宣慰司與益都路同知齟齬浩然而歸以元史

地理志考之山東東西道宣慰司治益都路益都領州入

有沂州明修元史順帝一朝未有國史采之州縣所上最

爲闕略以此碑合宋碑證之則彭侯固亦可入良吏傳者

又碑云止得兩縣尹平遙趙如魯猗氏碑立至正十四年

李熙載則趙李亦良吏可補志乘之闕

是劉尙質知路奧屯填知遼皆在是年元州尹亦又克明

國名李蘭奚東明人亦見是碑碑云洄健亭虎豹門見樊

略花萼堂絳縣志克明元絳縣尹亦可與此碑相參

繩祖興學記

碑連額高四尺六寸八分廣二尺一寸三分二十九行行四十八字正書額題興學之記四字篆書今在陽城縣

陽城縣尹趙侯興學之記

燕南貢士李應撰并書

進義副尉晉寧路陽城縣主簿申仁篆額

國家之隆替係乎人材之盛衰而人材之盛舍學校無以為也董仲舒以為養士莫大乎學校而學校賢士之闢教化之本原也洪惟我

元京師有學路府有學下至州邑亦有學仍舊制也命郡邑

敦勸履形于 詔旨故守令率精白一心以称 上旨惟恐
或後 詔頒文治天下文明於斯為咸陽城一邑在漢澤之
西僻處山谷土瘠民貧而俗朴魯鄉閭無弦誦之聲久矣我
趙侯來尹是邑實首倡之趙侯燕都人名繩祖字嗣宗故家
喬木以蔭得叙擢至正辛卯之初 朝廷方遴選守令迨明
年春我侯以選除是邑尹下車之日政尚凝簡不事鞭笞慨
然以得賢才正風俗為本蓋興校育材化民成俗即明道尹
晉城之遺意也公嘗曰文翁之治蜀常衮之治閩猶能以興
起斯文為己任而國家獲多 土之用矧堂堂 天朝文治丕
隆有非漢唐之可比而陽城在帝 堯冀 都之城又非閩蜀之
可同年也今觀縣泮則廊廡頽圯 蕪穢不治青衿閱然而不
聞有挺達之 咏 觀民風則椎埋鬪悍珥筆口口徧境不聞有

白金相讓之意是皆庠序之不興教化之不明也因與僚屬作而振之以盡吾守令之責上副

聖天子付託之意於是僉允其議肅瞻廟貌新構講堂泊正蒙一齋且親為篆正蒙等字賜之既而收書籍製儒服廣生徒凡在泮宮輪奐一新靡不周悉時公卿子弟凡民俊秀始

鼓篋入學公每於朔望之旦臨政之暇舍萊於廟聽講於堂躬自勸勉不期年而民化之澆風大變獄訟日簡弦誦之音

聞耳洋溢至於家稷契人咎夔皆我公之規範也時則有若教諭劉從道泊前教諭栗翔儒師聶希賢等請文諸石以紀

興學之由余以文罔孚於人辭之不獲切謂國家之隆替未始不由人材之盛衰而人材之盛衰又係乎學校之興廢其為守令者於學校一節可不重歟孟子曰夏曰校殷曰序周

曰庠學則三代共之皆所以明人倫也人倫明於上小民親
於下而宋當_復道熙之季朱文公乞書院時朝野誼謂州縣
已有學校不必煩費文公之議曰先王_禮義之官與異端鬼
道之居孰正孰邪三綱五常之教與無父無君之教孰利孰
害今釋老之居與郡邑庠舍什伯不侔何有司不察之甚耶
嗚呼此可見當時宰執守令皆多庸非明時之比也今趙侯
以文公之心為心他日居鼎鉉職蓋梅舉而措之亦猶是爾
故善而書之以為來者道也惟人材之不出學校之不脩豈
特為彈丸地之羞亦將為有國之憂至正十四年夏五月既
望謹記

耆宿王茂先 王利卿 徐口 馬繼先 樂伯政 吳

順 吉慶 崔仲德 樂正_字

省除教諭劉從道立石

樂□□ 郭楷 荆良弼 徐秉忠 張那懷 甲太宗

趙伯恭 曹茲

稅務 提領王□ 副使侯□ 大使郭□

醫學教諭王秉彛

本縣司吏韓□善 徐□望 武思明 王賦信 尉吏

王正臣

進義校尉前晉寧路河津縣主簿吳時舉

晉寧路陽城縣典史李文素

晉寧路陽城縣尉曹賞

進義副尉晉寧路陽城縣主簿申七

徵仕郎晉寧路陽城縣達魯花赤兼管本縣諸軍與魯勸

農事納麻失監

按碑題燕南貢士李聰撰并書進義副尉晉甯路陽城縣主簿申仁篆額元史地理志燕南河北道廉訪司治真定府領真定順德廣平彰德大名懷慶衛輝河間東平東昌濟甯諸路則聰必非山西人可知申仁縣志職官表列於縣尹並言至正十四年任舊志作主簿誤見文廟碑記然則文廟當另有碑若据此碑則固主簿無疑也碑言趙侯燕都人名繩祖字嗣宗以蔭得敘擢至正辛卯初朝廷遴選守令明年春侯選除是邑慨然以得賢才正風俗爲本興校育材化民成俗卽程明道尹晉城之遺意云云按碑所言趙爲元之世族今鳳臺縣天井關文廟大成殿碑卽趙繩祖篆額結銜陽城縣尹與此碑合碑有篆正篆等字

賜之文則趙固善家也陽城志趙繩祖燕山人至正十一年爲縣尹廉訪碩彥戒飭游民嘗以講明彝教爲士庶先有興學碑記惟志言十一年與碑少別碑以辛卯之次歲始涖任今校年表十一年辛卯十二年壬辰則尹縣當作十二年方合續通鑑至正七年十二月丙子以連年水旱民多失業選臺閣名臣二十六人出爲守令碑所謂遴選守令者當指此事而言又陽城志陽城宋元時舊有廟學居城東南隅化源坊以碑縣泮廊廡頽圯文攷之則舊學良是碑有教諭劉從道前教諭栗翔均見縣志後題諸官有進義校尉前晉甯路河津縣主簿吳時舉晉甯路陽城縣典史李文素晉甯路陽城縣尉曹賞進義副尉陽城縣主簿申仁徵事郎晉甯路陽城縣達魯花赤兼管本縣諸

軍奧魯勸農事納麻失監按李文素曹賞縣志亦有其名
達魯花赤納麻失監以縣志攷之至正十四年任達魯花
赤有納麻失監與碑合此碑之文縣志有少節者如任而
振之下少以盡吾守令之責上副聖天子付託之意二句
闕耳洋溢下少至於家稷契人咎夔二句學校之興廢下
少其爲守令者至小民親於下一段似不如原文較暢通
志金石記亦列此碑之目但以李聰爲縣人則失攷以碑
題燕南貢士也又碑以至正十四年立石金石記亦誤爲
十二年當因碑辛卯初之文而未加察耳碑字多泐今據
志補

山右石刻叢編卷三十八